



28. september 2016

Inatsisartut suleriaasiat §37 naapertorlugu Naalackersuisunut apeqquteqaat:

Apeqqutit:

- 1. 2017-imiit 2020-mut katillugit ukiumut 700 mio.-koruunit sanaartornissanut aningaasaliissutaasartussaapput, naatsorsuutigineqarlunilu taakkunanga taamaallat inissiat ukiumut 50-it sanaartorneqarsinnaassasut. Aningaasaliisutit sinneruttut qanoq atorineqarnissaat naatsorsuutigineqarpa?**
- 2. Illoqarfinni nunaqarfinnilu sorlerni inissiat nutaaliassat sananeqarnissaat pilersaarutigineqarpa?**
- 3. Illoqarfinni nunaqarfinnilu sorlerni inissianik illunillu isaterinissaq naatsorsuutigineqarpa?**
- 4. Illoqarfinni nunaqarfinnilu inissiat illullu isaterneqartussat taartissaannik sanaartornissamut pilersaaruteqartoqarpa?**
- 5. Aasianni ukioq mannamiit inissiarsuarni najugallit arlallit allamik inissarsiusasut nalunaarfigineqarput inigisaasa isaterneqarnissaat pissutigalugu. Inissarsuit qassit Aasianni isaterniarneqarpat?**
- 6. Taakkulu taartissaannik sanaartortoqarnissaannik pilersaaruteqartoqarpa?**
- 7. Illoqarfinni nunaqarfinnilu sorliit inissanik nutarterinissamik iluarsartuussinissamillu pilersaaruteqarfigineqarpat?**

(Ane Hansen, Inatsisartuni ilaasortaq, Inuit Ataqatigiit)

Tunngavilesuut:

Naalackersuisut siulittaasuata ammaalluni oqalugiarnermi ineqarneq sanaartornerlu pillugit oqaatigaa 2017-imiit 2020-mut katillugit ukiumut 700 mio.-koruunit missaaniittartussaasut, taakkualu inissialiornermut, pisortat sullissiveqarfiinik ilinniartullu inissaannik sanaartornissamut atussasut oqaatigalugu, taakkunangalu taamaallat nutaanik inissialiornermut ukiumut 50-it missaat naammassineqartassasut pilersaarutaasoq. Ilanngullugulu oqaatigalugu Namminersorlutik Oqartussat inissiaataasa iluarsartuunneqarnissaannut isaterneqarnissaannullu amerlanerusunik aningaasaliissuteqartoqassasoq siunnersuutigisimagitsik.

Oqaatigineqartut taakkua itisilerlugit ullut suliffiusut qulit iluanni nassuiaasoqarnissaa kissaati-gaara.